

麻城縣志卷二十五

耆舊第八

方伎

明

樊子晉讀書明理審病察脉預知人生死醫家宗之

通志

鄒橘泉名希魯洪武初居縣西二里許牛棚山以名醫濟世任醫學訓科刻有橘泉方卷行世子來學官都憲子孫科甲雲仍冠蓋相望其仁術之開家宏遠矣東吳錢溥爲之傳

麻城縣志

卷二十五

耆舊方伎

一

鄒順菴橘泉之六代孫長業儒遇異人傳授方脉棄儒爲醫精於切脉洞悉表裏之微卒爲名醫

蔣云貴字恒字博學能詩於方卷無不精究凡病有疑難他人棘手者能應手奏效遠近迎接屢滿戶外爲縣良醫蔡密得茅山法正傳六月求雪掌心運雷呼風喚雨驅鬼役神奇幻莫測後密法傳縣人謝龍謝龍傳法於縣人汪炳汪炳以其法傳與陶真人仲文顯於世廟云舊志宋有章習道法能以符呪治病嘗濬池得一古銅印篆刻蔡密二字又一鐵方條廣狹上下以二寸餘計上鐫一文



字章得之其術益進比遇妖異事驅役皆靈縣亢旱三禱  
三應知縣陳鼎鄉士鄒汝魯舉人周際聖各贈以匾額年  
八十餘坐逝徒仰止精其業

彭長溪精通醫理刻有醫見私會博宗方卷彙編歌訣以  
行世後學宗之俱爲名醫

宗合泉其目雙瞽專治幼科如神以手摸小兒卽立判生  
死不爽

歐陽方旦字旭之生員幼好學遇異人授以太乙數遂棄  
舉子業精通數學每課吉凶無毫髮爽不三年而名揚海

麻城縣志

卷二十五

耆舊  
方伎

二

內赴南寧侯左良玉幕欲授以官辭不就後就武昌學官  
國初執政亦迎置都中欲薦之仍堅辭

陳雲山方脉俱精識見迥出

王松竹新居畝人精曉脉理不泥方卷用藥不以多味而  
有奇效人共稱之

國朝

鄧履寬乾隆時人世業岐黃尤善丹青兼工書法人爭什  
襲之

喻必惠字嗣僑精醫術診人生死期以數年如神其孫鏞



族子顯烈嘉興皆得其傳時稱名醫今喻氏猶有能叙其業者

余易元少爲儒不售棄業醫精素靈理後代方書靡不畢覽然一以長沙金匱爲宗治效奇驗藥簡而劑重有非凡醫所能測者相傳歿爲地仙降羅田某山遠近祈病甚應香火不絕

彭文楷字端軒號旭陽山人深明醫學所治多奇中農某患腹痛諸醫投劑加劇皆束手楷診之曰脉大小無定唇朱面白此蛭入腹也用田泥水飲之果下蛭千百而愈羣

麻城縣志

卷二十五

耆舊方伎

三

服其神生平治症多以意創有方書未載者著有傷寒述要一卷待梓

增仙釋

晉

麻姑後趙石虎將麻秋女麻秋猛悍人畏之築城巖酷晝夜不止惟雞鳴乃息姑有恤民心假作雞鳴羣雞皆鳴工乃息父覺欲撻之姑懼逃入山洞修道後於城北石橋上飛昇後人名其橋曰望仙橋洞曰仙姑洞並詳名勝

舊志

唐



釋真應禪師住龜峯山與名流往來如慧遠之在東林也  
戒律精嚴跏趺坐逝又虛應靈應禪師皆有道場

舊志

明

釋大智東山童氏子以苦行證果應化南海嘗經行普陀  
山山瀕海師曰何惜千步沙爲老僧經行地次日卽湧沙  
千步至今名千步沙有沈蓮池造佛刹欲迎大智居之大  
智潛往燒火三年蓮池不知也蓮池與眾異食大智不肯  
留臨別語蓮池曰汝關著門吃些罷至今中門不敢開開  
則沙石飛入食中

麻城縣志

卷二十五

者舊  
仙釋

四

僧一無住持東山什子山下寄牛坪廟係木樨河余氏建  
立曾刺指血寫華嚴經血已盡而末卷尙未成一夕忽有  
老人叩門乞漿僧入後院取茶應之比出而老人不見經  
已書完知爲菩薩化身也圓寂時特請余山主作別須臾  
火化端坐雲中冉冉而去至今禱兩者請其所書血經至  
壇立爲之應

釋無念名深有東山熊氏子少孤披剃徧遊諸方一日參  
一名宿值宿方鋤瓜茄次師請開示宿卽指曰黃瓜茄子  
師參四十年後忽有省原不識文字自是偈頌書札口占



如流李長者聞而與之遊焦弱侯陶周望黃平倩袁中郎  
皆致禮焉晚年入黃柏山建大禪林中郎爲之記鄒南泉  
作傳刻有醒昏錄黃柏復問基隆山亦其道場請益者輒  
罵諸方謂黃柏門庭高峻一時有天童打黃柏罵之語然  
無上堂窠臼有胞姪自空名常聞亦從披剃後侍李長者  
頗通文字好諧語寓秘義爲人淡薄無求居了杵三十年  
不下山有龍湖閒話新葛藤對紙閒談諸作預築一壙可  
伸仰題詩曰整日死關在眼傍自然世味冷如霜間來辦  
下藏身窟莫待臨時手腳忙有過訪者輒率同坐其中或  
媿之師曰生寄也死歸也汝終不免耳相知者死俱列名祀  
之而自署其名於末

巫城縣志

卷二十五

耆舊  
仙釋

五

釋道一名明明周氏子父思善夢白衣道人入室而生少  
穎悟超異胸不入俗初名之首應童子試拔第一後鄉試  
往省及河見爭渡者有感遂返棄巾衫學仙迹武夷山  
之大王峯迨歸里隨李卓吾住龍湖契合遂祝髮爲僧自  
號金牛小子愛白臬山居焉學主慈悲視殺蟲魚輿殺人  
無異意所不屬雖人聚處不知其姓名與邑梅之煥常聚  
處往來吟咏其文信口詩無韻而天機自極清妙其祝髮



詩有云金牛小子今而後五日三朝剃個頭 遊武夷

久居之後于縣東雁臺山荆建道場著有雁臺集涅盤已  
十年開塔視之面目如生後移出供養多時仍送塔中

國朝

周大勝生明季年未弱冠屏紛華結茅菴居大勝尖山修  
煉得道年七十餘無疾終里人立廟祀焉凡祈禱輒應乾  
隆甲午戊戌己亥乙巳等年大旱此地十餘年獨多雨澤  
庇護力也

釋嗣容本靈隱寺僧參學來麻至仙姑洞下欲結庵居之

麻城縣志

卷二十五 耆舊 仙釋

六

地荆棘叢生素多虎豹僧敲木魚募化七晝夜土人壯其  
胆遂予其地爲之結庵名曰谷隱僧趺坐誦經庵外虎豹  
甚馴時以飯與虎羣欣然就食其後嗣心如洗塵滌煩追  
慕宗風亦結茅洞側奉仙姑香火學坐工法足不下山者  
幾二十年

釋松門本明戶部尙書倪元璐之裔元璐殉節後卽棄家  
剃度來麻於寺旁隙地種松數千株日汲水以溉十年後  
翠色宜人望如峯嵐因名之曰翠峯寺僧博學善詩古文  
詞士大夫多與之遊焉



釋獨省住持城北繡佛寺有行力市人咸供養之預知圓寂期先數日徧辭諸素往來者告以某月某日西歸臨期沐浴更衣端坐與送者作別而逝徒以火葬

釋性哲由黃梅五祖至麻募化諸天金像時久旱無雨河水亦涸與大眾定某日起程當有水送歸眾皆笑之及期大雨河水泛漲登舟告別眾皆嗟嘆嘗市刑重囚數人每夜深輒相呼嘯僧獨坐尸塲唵誦頂光隱透諸聲頓息後延住持火王廟齋居坐化

釋真覺自幼習儒值明季投永興寺爲僧聽戒師講法華

麻城縣志

卷二十五

耆舊  
仙釋

七

經至是法住法位世間常相住豁然自悟悟得山河大地無非自己全身聽講楞嚴經至無有涅槃佛無有佛涅槃當下見自己天真了無生滅後依九龍霈和尚付以衣鉢仍住汝陰說戒十一會付法於麗中僧其圓寂之日預使司侍通耗於麗中至期泊然而逝

釋麗中汝陰現和尚之法嗣也住松泉庵工詩律其付法時師喝一偈曰龍得水時增意氣虎過山勢長威寧自此元風大扇三楚暑得清涼其說法示偈皆以韻語出之佛門中之嫻於風雅者縣人熊御史贈以句云高提祖印知



府周禮顏其舍曰元光四照知臺灣李中素集唐句松際  
露微月心清聞妙香以贈今麗中語錄猶存其山中雜韻  
尤爲膾炙人口

僧山濟者亦縣東人有清規好修補梁橋道路以乞鉢爲  
生積有米斗餘時方旱鄰人多乏食有一偷兒乘夜入僧  
室行竊時月微明僧假寐聞戶樞聲乃張目睨偷兒入以  
橐負米出方行數步忽蹶地僧曰汝何不徐行乃若是莫  
傷汝足否無畏仍拾粟去偷兒怖委之而去

見周思久  
三戒傳

初時有道人姓傅形貌奇古衣服藍縷善談名理士大

麻城縣志

卷二十五

者舊  
仙釋

九

夫多與之遊久而人知其異有疾病者求之遂以其矢與  
溺遺之人不肯食則自取而啖之人呼爲傅邈邈後有危  
急不得已者竟以與之輒效值大比之歲衆文士往問鄉  
場題目將及門傅迎謂曰諸君子何如此文質彬彬的坐  
定衆問之力答以不知適有爆竹聲卽曰望天三銃衆辭  
出聞有罵雞者卽曰這個人就不存一點仁義之心是科  
首藝卽文質彬彬二句次卽王天下有三重焉三卽雖存  
乎人者二句一一皆驗人以此益奇之忽一日辭去鄉城  
內外有相距百里之遙者皆以一刻作辭竟不知所往



西峯大聖邑東北周家河人父號吉慶居士早逝元末負母氏張避難於西峯尖結廬而居修真鍊性洪武初有神虎飛昇於觀音巖後降乩知已成神土人因立廟祀之至今禱雨屢驗大聖尖護兒山均有廟

胡三太保相傳神福臨堡人年少登仙與雲致雨祈禱輒應大齊山有廟塑像英武

僧自修居古城區圓通菴嘗修放生池以良言勸人再傳有永道自幼持齋能裁衣未讀書忽能字出言即達禪機

麻城縣志

卷二十五

者舊仙釋

寂時作偈曰父母生身有罪投入圓通披剃舉尺應透虛空能剪裁開五炁諸般一綫穿通萬法澈底歸一佛祖問我何來二六常求是義又偈曰問爾休問我生死由爾躲推動木絃琴弄出無生菓這個好形容無人又無我打破太虛空快活真快活寂後有人遇於白杲鎮以杖荷蒲團問將何之不答而去

張元和係黃安水閣樓人生於嘉慶間嘗遇異人授以醫術起死回生生活人不少無論貧富概不受謝因避難至本邑邊堰蘇獅子寨喜山之秀特力言曰吾歿後當棲此山



同治八年卒。夢示病人使結菴於山。上有禱輒應。立廟祀之。

胡和尚居德義堡。乾隆間雲遊四方。冬夏一敝衲。晚年入峩眉山遇事。輒先知。土人以為妖。繫之獄。數日不與飲食。亦不飢。顏色如故。縣令驚其異。釋之歸里。遂入靈聖洞。辟穀採松葉為食。十餘年不出。跣趺坐逝。

釋曜禪貌清癯。類古佛。少為人奴。年十九出家於木樨河之新寺。清修苦行。冬夏一衲。壯歲辭師雲游天下。名山古刹。叅學於五臺靈隱金山峩眉少林諸叢林。足蹟周海內。

麻城縣志

卷二十五

者舊  
仙釋

十

凡四朝南海在外三十年。每數年輒歸省其師。獻遺方物。師寂後。粵亂。適作禪歸。住持新寺。初不識丁。乃能博通經典。華嚴法華諸大藏。皆可背誦。復遊黃州安國寺。挂單閉關。誦經者九年。過臘七十餘計。坐功五十年。一日出訪某尊宿。二侍者從。將至其寺。禪忽跣趺坐地。謂侍日期至矣。不及待。屬以火化。仍誦經畢。合掌茶毘。侍者即其地為舉火像。見雲端舍利如雨。骨成一塔。高尺許。藏某寺。

